

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine na __. sjednici Predstavnčkog doma, održanoj _____ 2009. godine, i na __. sjednici Doma naroda, održanoj _____ 2009. godine, usvojila je

Z A K O N
O DOPUNI ZAKONA O PLAĆAMA I NAKNADAMA U
INSTITUCIJAMA BOSNE I HERCEGOVINE

Član 1.

U Zakonu o plaćama i naknadama u institucijama Bosne i Hercegovine ("Službeni glasnik BiH", broj 50/08 i 35/09) u članu 11. platni razred B6, kolona Radno mjesto nakon riječi „Pomoćnik ministra“ dodaju se riječi „i pomoćnik pravobranioca“.

Član 2.

Ovaj zakon stupa na snagu osam dana od dana objavljivanja u „Službenom glasniku BiH“.

PSBiH broj _____ / _____

Sarajevo

Predsjedavajući
Predstavnčkog doma
Parlamentarne skupštine BiH
Milorad Živković

Predsjedavajući
Doma naroda
Parlamentarne skupštine BiH
Ilija Filipović

OBRAZLOŽENJE

I. USTAVNOPRAVNI OSNOV

Ustavnopravni osnov za donošenje ovog zakona sadržan je u članu IV/4a Ustava Bosne i Hercegovine. On je nesporan, jer je riječ o manjoj dopuni postojećeg Zakona o plaćama i naknadama u institucijama Bosne i Hercegovine.

II. RAZLOZI ZA DONOŠENJE

Razlozi za donošenje ovog zakona su rješavanje pitanja određivanja koeficijenta za obračun plaće pomoćnika pravobranioca BiH, jer taj problem postoji duže vrijeme.

Zakonom o plaćama i naknadama u institucijama BiH nije predviđen koeficijent za obračun plaće pomoćnicima pravobranica BiH, iako se radi o specifičnom radnom mjestu i poziciji čija priroda i složenost poslova zastupanja pred sudovima zahtijeva posebne uslove, koji moraju biti ispunjeni za obavljanje ovih poslova (dugogodišnje radno iskustvo nakon položenog pravosudnog ispita).

Članom 2. tačka e) ovog zakona propisano je da je radno mjesto pozicija utvrđena aktom o unutrašnjoj organizaciji u institucijama Bosne i Hercegovine, odnosno zakonom, a tačkom f) da se pod platnim razredom smatra klasifikacioni element koji se utvrđuje za svako radno mjesto. Zakonom o plaćama i naknadama u institucijama BiH nije utvrđen platni razred za radno mjesto pomoćnika pravobranioca, odnosno koeficijent. Status pomoćnika pravobranioca BiH precizno je definiran Pravilnikom o unutrašnjoj organizaciji Pravobranilaštva BiH, te je u tom smislu potrebno Zakonom propisati radno mjesto pomoćnik pravobranioca i odrediti koeficijent za obračun plaće kao za pomoćnika ministra, kao što je to bio slučaj do stupanja na snagu navednog Zakona.

Naime svi pomoćnici pravobranioca BiH primljeni su u radni odnos u Pravobranilaštvo BiH konkursom, koji je u ime Pravobranilaštva BiH raspisala Agencija za državnu službu BiH, na radna mjesta pomoćnika pravobranioca BiH, s utvrđenim statusom rukovodećeg državnog službenika, čiji status odgovara statusu pomoćnika ministra. Pravilnikom o unutrašnjoj organizaciji Pravobranilaštva BiH utvrđeni su opći i posebni uslovi za radno mjesto pomoćnika pravobranioca BiH, pa je propisano da su pomoćnici pravobranioca BiH u statusu rukovodećih državnih službenika s pravima i obavezama pomoćnika ministra.

Zbog činjenice da Zakonom nije predviđen koeficijent za obračun plaće pomoćnicima pravobranioca BiH, nakon stupanja na snagu Zakona, pomoćnici pravobranioca BiH primaju manju plaću u odnosu na onu koju bi trebali.

III. OBRAZLOŽENJE PONUĐENIH RJEŠENJA

Ponuđenim rješenjem osigurava se utvrđivanje koeficijenta za obračun plaće i ispravljanje očiglednog propusta koji je napravljen prilikom usvajanja Zakona o plaćama i naknadama u institucijama BiH.

IV. USAGLAŠENOST SA ZAKONODAVSTVOM EU

Ova oblast nije predmet zakonodavstva EU.

V. FINANSIJSKA SREDSTVA

Za provođenje ovog zakona potrebno je osigurati dodatna finansijska sredstva u budžetu institucija Bosne i Hercegovine, koja su na poziciji plaće zaposlenih, ali s obzirom da je trenutno u Pravobranilaštvu BiH zaposleno 6 (šest) pomoćnika, radi se o neznatnim sredstvima.

Na osnovu člana IV 4.a) Ustava Bosne i Hercegovine, Parlamentarna skupština Bosne i Hercegovine, na 29. sjednici Predstavničkog doma, održanoj 14. maja i 04. juna 2008. godine, i na 18. sjednici Doma naroda, održanoj 17. juna 2008. godine, usvojila je

ZAKON

O PLATAMA I NAKNADAMA U INSTITUCIJAMA BOSNE I HERCEGOVINE

Član 11.

(Platni razredi i koeficijenti za državne službenike)

Platni razred	Radno mjesto	Koeficijenti							
		Nulti	1	2	3	4	5	6	
B1	Stručni saradnik	2,10	2,17	2,20	2,25	2,28	2,33	2,37	
B2	Viši stručni saradnik	2,35	2,40	2,45	2,50	2,53	2,60	2,70	
B3	Stručni savjetnik	2,73	2,80	2,90	3,00	3,10	3,20	3,28	
B4	Šef odsjeka, šef grupe u Upravi za indirektno oporezivanje BiH	3,25	3,35	3,50	3,70	3,90	4,10	4,25	
B5	Pomoćnik rukovodioca upravne organizacije, sekretar upravne organizacije, rukovodilac osnovne organizacione jedinice Predsjedništva BiH, šef odsjeka u Upravi za indirektno oporezivanje BiH,	3,55	3,67	3,79	3,91	4,04	4,18	4,31	
B6	Pomoćnik ministra	4,20	4,35	4,50	4,65	4,80	4,95	5,05	
B7	Sekretar ministarstva, zamjenik rukovodioca upravne organizacije, sekretar na posebnom zadatku, sekretar u Predsjedništvu BiH	4,50	4,65	4,80	4,96	5,11	5,30	5,46	
B8	Direktor upravne organizacije, direktor stalnog tijela Vijeća ministara, pomoćnik direktora Uprave za indirektno oporezivanje BiH	5,51	5,69	5,88	6,07	6,28	6,48	6,70	
B9	Generalni sekretar Predsjedništva BiH	6,50							